

Dogri Evening (NSD)

14-09-2026

खबरां

1. ब्रिक्स नेताएं आर्थिक बाढ़े ते राश्ट्री सुरक्षा आस्तै उर्जा सुरक्षा गी महत्वपूर्ण नींह दस्सेआ, तकनीक ते जरूरी खनिजें दे हथेयारें च इस्तेमाल खलाफ कीता सावधान।
2. चीन नै 2025 च सैनिकें दी तैनाती च कटौती कीती, रक्षा मंत्रालय दी रिपोर्ट च जम्मू-कश्मीर च सुरक्षा स्थित गी स्थिर दस्सेआ।
3. केंद्री गृह मंत्री अमित शाह होरें आखेआ, भारत दी बक्ख-बक्ख भाशां विविधता च एकता दी भावना गी मजबूत करदियां न। उनें लोकें गी हिंदी दिवस दे मौके पर बधाई दिती।
4. भारती मौसम विभाग नै गुजरात दे किश जिलें च खरी मती बरखा ते बढ़ल गड़कने दी पेशनगोई कीती।
5. पूरे देश च गणेश चतुर्थी पूरी धार्मिक श्रद्धा, खुशी ते जज्बे कन्नै मनाई जा'रदी ऐ।
6. यू.एस ओपन टेनिस च जर्मनी दे Alexander Zverev नै अमरीका दे बेन शेल्टन गी हराइयै पुरुषें दा एकल खताब जित्तेआ।

<><><><><><>

BRICS-Leaders

ब्रिक्स नेताएं जोर देइयै आखेआ ऐ जे उर्जा, सुरक्षा सामाजिक ते आर्थिक विकास, राश्ट्री सुरक्षा ते सारे देशें दे कल्याण आस्तै महत्वपूर्ण नींह ऐ। नमीं दिल्ली च चले दे दो रोजा ब्रिक्स शिखर सम्मेलन दे दरान, सदस्य मुलखें उर्जा सुरक्षा गी बदाने पर जोर दित्ता जेदे आस्तै उर्जा बजारें च स्थिरता ते बक्ख-बक्ख स्रोतें थमां उर्जा मिलना ते जरूरी उर्जा ढांचे दा बचाव करना लोड़दा ऐ। शिखर सम्मेलन दरान प्रधानमंत्री नरेंद्र मोदी होरें चेतावनी दिती जे तकनीक ते जरूरी खनिजें दा थेआरें च इस्तेमाल विकास दी राह च रोड़ा बनी सकदा ऐ। भारत नै इस शिखर सम्मेलन दी अध्यक्षता कीती जेदा विशेषार ऐ Building for Resilience, Innovationm cooperation and Sustainability यानि लचीलेपन, नमैपन, सहयोग ते टिकाउपन आस्तै निर्माण जेदे च लोक केंद्रित विकास ते वैश्विक दक्खन दे हितें गी सबनें शा उप्पर रक्खेआ गेआ ऐ। ब्रिक्स शिखर सम्मेलन दा सबनें शा महत्वपूर्ण

नतीजा नमीं दिल्ली घोशणा पत्र गी अपनाना ऐ। पच्छिम एशिया दे हालातें पर ब्रिक्स नेताएं गल्लबात ते कूटनीति पर जोर दित्ता ते आखेआ जे नागरिकें ते नागरिकें दी संपत्ति गी बचाना ललोड़चदा ऐ। नेताएं आतंकवाद दी हर रूप च निंदेआ कीती ते आतंकवाद गी दना बी बर्दाश्त नेई करने दे अपने धेइये गी दोहराया।

<><><><><><>

Defence Annual Report

रक्षा मंत्रालय नै 2025-26 बरें दी अपनी सलाना रिपोर्ट च उत्तरी मोर्चे पर सुरक्षा हालात ते स्थिति गी उजागर कीता ऐ। रिपोर्ट च आखेआ गेआ ऐ जे भारती फौज दे लगातार जत्तें दी बदौलत जम्मू-कश्मीर च सुरक्षा स्थिति पूरी चाल्ली काबू च ऐ। एह्दे चलदे हिंसा घटी गेई ऐ, बरोध-प्रदर्शनें च कमी आई ते पत्थरबाजी दी कोई घटना सामने नेई आई ऐ। रिपोर्ट च एहू बी आखेआ गेआ ऐ जे आपरेशन सिंदूर दरान कब्जा रेखा दे कन्नोकन्नी जम्मू-कश्मीर च बी स्थिति च बड़ा बदलव होआ ऐ। उआं ते पिछले बरे 10 ते 12 मई गी डी.जी.एम.ओ दी आपूं च गल्लबात दे बाद हालात सामान्य न, पर कुसै बी स्थिति दा सामना करने लेई असेंगी हल बेल्लै तैयार रौहना लोड़चदा ऐ। पिछले बरे सैन्य कारवाइएं दे महानिदेशकें दी गल्लबात मगरा स्थिति बड़ी हद तगर स्थिर होई गेई ऐ। इस रिपोर्ट च चीन दे कन्नै पूरे हालात पर बी लौहू पाई गेई ऐ। बरे 2025 च उत्तरी बन्ने दे सामने चीन दी पिपल्स लिब्रेशन आर्मी फोर्स दी तैनाती च बी घाट्टा होआ ऐ। असल कब्जा रेखा दे कन्नै बी 10 कम्बाइंड आर्म्स ब्रिगेड आला लेखा बलें दी तैनाती होई ऐ। भारत चीन बश्कार राजनीतिक, कूटनीतिक ते सैन्य स्तर दी दपक्खी गल्लबात कन्नै उत्तरी बन्ने पर सकारात्मक विकास होआ ऐ। रिपोर्ट मूजब असल कब्जा रेखा दे कन्नै लगदे सारे खेत्तरे च भारती सेना दी तैनाती बदी ऐ तां जे कुसा चाल्ली दे बी हालातें कन्नै निब्बड़ेआ जाई सकै।

<><><><><><>

Shah Linguistic

केंद्री गृह मंत्री अमित शाह होरें आखेआ ऐ जे भाशा दी विविधता भारत च विविधता च एकता दी भावना गी मजबूत करदी ऐ। वीडियो स्लेय राएं लोकें गी हिंदी दिवस दी मुबारकबाद दिदे होई शाह होरें आखेआ जे भारत बक्ख-बक्ख भाशाएं ते सांस्कृतिक खुशहाली दी धरती ऐ ते देश दी मतियां भाशां देश दी ताकत न नां कि ओदी कमजोरी। उनें आखेआ जे हिंदी दे विकास दे सेही मायने इये न जे हिंदी अगड़े बढधे होई बाकी भारती भाशाएं दा मान, विकास ते संरक्षण पक्का करै। अज्ज पूरे मुख्य च हिंदी दिवस मनाया जा'रदा ऐ। अज्जे दे दिन गे 1949 च संवैधानिक सभा नै हिंदी गी देश दी आधिकारिक भाशा बनाया ह। केंद्री गृह मंत्री होरें 6में अखिल भारती आधिकारिक भाशा सम्मेलन च राजभाषा गौरव

ते राजभाषा कीर्ति पुरस्कार 2025-26 बी प्रदान कीते जेड़ा नवी मुम्बई च अज्ज आयोजित कीता गेआ हा।

<><><><><><>

IMD-Orange Colour Warning

भारती मौसम विभाग नै गुजरात च खरी मती बरखा बरने दी मेद दे चलदे ओरेंज अलर्ट जारी कीता ऐ। बडुलै थमां गै 172 तालुकाएं च बरखा बरने दी जानकारी हासल होई ऐ। लोकें गी अपील कीती गेई ऐ जे ओहू उनें थाहरें पर जाने थमां बचन जित्थे पानी किट्टा होए दा ऐ। पोरबंदर, जूनागड़, गिर सोमनाथ, नवसारी, वल्साड़ जिले च भारी बरखा पोने दी पेशनगोई कीती ऐ। तोआई, कच्छ, जामनगर, देवभूमि, द्वारका, राजकोट, मोरबी, सुरेंद्र नगर, बोटाड, अमरेली भावनगर ते सूरड च बी येलो अलर्ट जारी कीता गेआ ऐ।

<><><><><><>

Weather

मौसम विभाग ने पेनशगोई कीती ऐ जे अगले किश दिनें दौरान जम्मू-कश्मीर च मौसम अस्थिर रौहग। विभाग दा आखना ऐ जे अज्जै थमां लेइयै 17 सितम्बर तगर मते सारे इलाकें च बरखा पौने जां अंधी-झक्खड़ झुल्लने दे असार न। 18 थमा 23 सितम्बर तगर मौसम ज्यादातर खुश्क रौहग, हालांके किश थाहरें पर थोहड़ी बरखा पेई सकदी ऐ। लोकें गी सलाह दिती जंदी ऐ जे ओहू अंधी-झक्खड़ ते तेज ब्हाएं दौरान सावधानी बरतन, खास तौरा पर यात्रा करदे बेल्लै जां बाहरली गतिविधियां करदे दौरान।

<><><><><><>

Power Min. Us Visit

बिजली, घर-मकानें ते शैहरी मामलें दे केंद्री मंत्री मनोहर लाल होर जी-20 उर्जा मंत्रियें दी बैठक च शामिल होने लेई अमरीका पुज्जी गे न। अमरीका दी अध्यक्षता तैहत एनर्जी एबंडेंस पर मंत्री सतह दी बैठक सोमवारें सवां बुधवार तगर लगा करदी ऐ। 3 दिनें दी इस बैठक च मनोहर लाल होर उर्जा सुरक्षा ते किफायती भाएं पर बिजली, अनुमति ते नियामक दक्षता, महत्वपूर्ण खनिजें ते लीचली आपूर्ति श्रृंखला बारै महत्वपूर्ण सत्रें च हिस्सा लैडन।

<><><><><><>

Coal-Blocks

सरकार नै आखेआ ऐ जे 2020 थमां लेइयै हूनै तगर 9 राज्यें च 147 कोला ब्लॉकें दी निलामी कीती गई ऐ। कोयला मंत्रालय नै आखेआ जे एहदे कन्नै सलाना राजस्व च तकरीबन 47 ज्हार 500 करोड़ रपे औने दी मेद ऐ ते 4 लख 90 ज्हार नौकरियां पैदा होइन्। मंत्रालय नै इब्बी आखेआ जे बवसायिक खानें थमां कुल राजस्व तकरीबन 3 ज्हार 90 करोड़ रपे ह।

<><><><><><>

PM-Semicon

प्रधानमंत्री नरेंद्र मोदी होर बुधवारें नमीं दिल्ली दे यशोभूमि च सेमीकान इंडिया-2026 दे 5में संस्करण दा उद्घाटन करइन्। इस कार्यक्रम च 600 शा मते प्रदर्शक, 300 अंतरराष्ट्री कंपनियां ते 40 शा मते मुखें दे प्रतिनिधिमंडल हिस्सा लैइन्।

<><><><><><>

Iran-Gulf Countries

होमूर्ज जलडमरू मध्य राएं ज्हाजें च ढोआई दे इंतजामें बारै चर्चा करने आस्तै ईरान ते खाड़ी देश बश्कार आयोजित बैठक रह होई गई ऐ। ओमान दे विदेश मंत्री बद्र बिन हमद अल बुसायदी नै एहदा ऐलान जंदी शामी कीता। उनें आखेआ जे सलालाह च तय बैठक रह कीती गई ऐ। उनें गल्लबात, क्षेत्रीय स्थिरता ते लम्में चिरें धोड़ी सहयोग बनाए रखने दी अपनी बचनबद्धता दोहराई। वैश्विक तेल कीमतें च अज्ज फिर बाद्दा दिक्खेआ गेआ।

<><><><><><>

Houthi Rebels

येमेन दे हौथी विद्रोहिणं दक्खन लाल सागर च होर महाद्वीपें गी कब्जे च लेई लैता ऐ। येमेन सरकार ते हौथी प्रवक्ता मूजब विद्रोहिणं, ग्रेटर हानिश ते लैस्सर हानिश दे महाद्वीपें पर लड़ाकू तैनात कीते जेड़े बाब अल मांदेब दे 160 किलोमीटर उत्तर च स्थित न।

<><><><><><>

Ganesh Chaturthi

गणेश चतुर्थी दा त्यौहार अज्ज मुल्लख भरै च बड़ी श्रद्धा कन्नै मनाया जा'रदा ऐ। भगवान गणेश हुं'दे जन्म ध्याड़े दे तौर पर एह त्यौहार मनाया जंदा ऐ। गणेश जी होर बुद्धिमानी, खुशहाली ते खरे भागें दे प्रतीक न। इस त्यौहार गी विनायक चतुर्थी जां गणेश उत्स दे नां कन्नै बी जानेआ जंदा ऐ, एहदे कन्नै 10 दिनें दे उत्सव दी शुरूआत होई जंदी ऐ, इस दरान लोक भगवान गणेश हुं'दी प्रतिमाएं दी अपने घरें च स्थापना करदे न ते पूजा-पाठ करदे न। राष्ट्रपति द्रौपदी मुर्मू, प्रधानमंत्री नरेंद्र मोदी ते लेफ्टिनेंट गवर्नर मनोज सिन्हा होरें गणेश चतुर्थी दे मौके पर लोकें गी शुभकामनां दित्तियां न।



Ganesh Chaturthi

गणेश चतुर्थी दा त्यौहार कर्नाटक च पूरे श्रद्धाभाव कन्नै मनाया गेआ। कर्नाटक च भगवान गणेश हुंदी मूर्ति घर आहने ते पूजा-अर्चना करने दा रिवाज ऐ। भगवान गणेश होरेंगी मोदक ते कदाबू दा भोग लाया जंदा ऐ। गणेश मंदरें ते पंडालें च संज्ञा लै श्रद्धालुएं दी खासी भीड़ दिक्खने गी लब्बदी ऐ। सांस्कृतिक कार्यक्रमें दा आयोजन कीता जंदा ऐ। सरकार आसेआ जरूरी कीता गेदा ऐ जे सिर्फ इको फ्रेंडली भगवान गणेश हुंदी मूर्तियां खरीदी जान तां जे उंदे विर्सजन दे बेल्लै पर्यावरण गी कोई नुकसान नेई होऐ। विदर्भ च बी गणेश चतुर्थी धार्मिक श्रद्धा कन्नै मनाई जा'रदी ऐ। नागपुर च श्रद्धालु बड्डलै थमां गै मूर्तिएं दी खरीदारी आस्तै चितर गलि पुजा करदे न। ढोल दी थाप पर नच्चदे श्रद्धालु बप्पा होरें गी अपने घरें च लेआंदे न। पुलस नै ट्रैफिक बवस्था गी बनाइये रखने आस्तै इंतजाम कीते दे न। नागपुर म्यूनिसिपल कार्पोरेशन दा सेहत विभाग 14 थमां 25 सितंबर तगर श्री गणेश अरोग्याचा मुहिम शुरू करारदा ऐ। गणेश पंडालें दे कन्नै रलिए सामुदायिक सेहत रक्तदान शिविर बी लाए जांगन तां जे जरूरतमंद मरीजें दी मदद होई सकै। चंदनपुर जिले च इस बरे गणेश भगवान हुंदी मूर्तिएं गी 15 ज्हार 885 थाहरें पर स्थापित कीता जाहगा।



US-Open

जर्मनी दे Alexander Zverer एलेक्जेंडर ज्वेरेर नै यू.एस ओपन टेनिस दा पुरूषें दा एकल खिताब जिती लैती ऐ। उनें अमरीका दे बेन शेटन गी 6-3, 7-6, 5-7 ते 6-2 कन्नै न्यूयार्क च जंदी रातीं हराया। एह Alexander Zverer हुंदा 2026 दा दुआ बड्डा खिताब ऐ। एहदे शा पैहले उनें फ्रेंस ओपन विक्टरी खिताब जितेआ हा।

Jammu Film Fest.

जम्मू अंतरराष्ट्रीय फिल्म महोत्सव दे 5में संस्करण दी शुरूआत औंदी 17 सितंबर गी पर्दा गोआड़ने आले कार्यक्रम कन्नै कीती जा'रदी ऐ जेहदे च सिनेमा, संस्कृति, समुदाय ते रचनात्मकता सबनें गी किट्टे इक्के मंच पर आहनेआ जा'रदा ऐ। एहू कार्यक्रम जम्मू दे अभिनव थियेटर दे राइटर्स क्लब च बड्डलै 11 बजे आयोजित कीता जाहग। आयोजकें दा आखना ऐ जे इस फिल्म महोत्सव दा मकसद फिल्म निर्माताएं, कलाकारें, रचनात्मक पेशेवरें ते सिनेमा प्रशंसकें लेई इक मंच उपलब्ध करोआना ऐ। मेद कीती जा'रदी ऐ जे 5में संस्करण दुरान खित्ते दी सगोसार संस्कृति ते विरासत दा सिनेमा कन्नै जुड़ाव दर्शाने दे मौके उपलब्ध होइन।

<><><><><><>

Walnut Grading Ramban

रामबन जिले च राईबाई दी समर्थ च बाढ़ा करने लेई समग्र कृषि विकास प्रोग्राम आसेआ अखरोट दी फसल दी मशीनें कन्नै छंटाई करने ते साफ-सफाई करने सरबन्धी पोर्टेबल ग्रेडिंग लाइन सरिस्ते दी पैहल कीती गई ऐ। इस पोर्टेबल ग्रेडिंग इकाई दी कीमत आमतौर पर 4, 5 लख रुपे ऐ। सरकार आसेआ तकरीबन 50 फीसदी सब्सिडी दित्ती जा करदी ऐ जेड़ी तकरीबन दो लख रुपे ऐ। पारंपरिक तौर पर हथें कन्नै अखरोट दी सफाई करने कन्नै हथें च जलन होंदी ऐ, उयां हून एहदे सवां रमान थहोग, लागत च कमी औग ते समें दी बी बचत होग।

<><><><><><>

Director Flood Supplies

खुराक, सिविल सप्लाई ते उपभोक्ता मामलें जम्मू दे निदेशक राजेश कुमार होरें औंदी स्याले दी रूतै गी लेइयै मैहकमे दी तैयारियें दा जायजा लैने लेई पुंछ जिले दा दौरा लाया ते जायजा मीटिंग दी अध्यक्षता कीती। मीटिंग च स्याले दुरान बर्फ पौहने आहले इलाकें च राशन, रसोई गैस ते मिट्टी दे तेल समेत जरूरी चीजें दी दस्तयाबी ते भंडारण गी लेइयै ध्यान दित्ता गेआ। बड़ी मती ठंडू दुरान जिले दे दूर-दरेडे ते उच्चे इलाकें, मंडी, लोरान, सब्जियां, बफलियाज समेत थाहें समेंसिर लोड़चदी सप्लाई उपलब्ध कराने बारै चर्चा कीती गई।

<><><><><><>

Rana-Macadamization

जम्मू-कश्मीर च जल शक्ति मैहकमे दे मंत्री जावेद अहमद राणा होरें अज्ज पुंछ जिले दी मेंढर तहसील च छज्जाला सवां रामकुंड धोड़ी शिड़का पर लुक्क पाने दे कम्मा दा नीहू पत्थर रक्खेआं लोक निर्माण मैहकमे आसेआ शैहरें ते नगगरें मतल्लक कम्में तैहत तकरीबन 40 लक्ख रुपें दी लागत कन्नै एहू परियोजना पूरी कीती जाह्ग। मंत्री होरें इस मौके पर बोलदे होई आखेआ जे सरकार दूर-दरेडे इलाकें च लोकें गी बेहतर शिड़क संपर्क दी स्थूलत मुहैया कराने लेई बचने-बज्झी दी ऐ।

<><><><><><>